

Fida Nyamesemka: Esusuowketseaba 24, 2013.
(Friday sermon – 24th May, 2013 – Fante Translation)

HOM MFA ALLAH N'AYEMUYIE NTO GUA-USA NA CANADAMAN MU NSRAHWƐ

“Na ofa no hom Ewuradze N'ayemuyie no hom nka nkyere binom” [\(93:12\)](#).

Nyankopon N'ayemuyie botum aye wiadze dze, se yehwe gyedzi onye sunsum mu a. Wiadze ayemuyie wodze ma ankorankor na obiara, oso obiara do. Hon a wowo gyedzi na wobu Nyankopon de Ono nye nhyira nyinara ne farbaa no wodze ndaase so ma wiadze ayemuyie. De mbre hon enyiso wo ndaase ho ye honara hon ndzeyee no, woka kyere wiadzema so de nhyira fi Nyankopon nkotsee ho. Afei ayemuyie ho gyedzi na sunsum ho gyedzi wo ho.

Ahmadiyyafo dze yeye asomafo ma nyia no a oye nokwarfo na otuu no ho maa Nkomhyenyi Kronkron (NNN) no; ono nye Anohoba Mesia (ANN) na yeenya dem ayemuyie. Oye nhye ma Ahmadiyyanyi ankorankor biara de odze Nyankopon N'ayemuyie na Ne nhyira boto gua. Kwan kor a obodua do aye nye ibedzi Nyankopon Ne mbransem no do na kwan kor so nye enam Nyamesemka do bobo no dawur akyere wiadze, de wombra ma yenkye sunsum mu kan a owo de wodze ma hen ama yeye Nyankopon Ne nhyira mu enyafa. Dem Nyankopon Ne kan yi nkotsee na obema aye mberew ma wadon obiara ne bra a obo no wiadze yi mu no ngo onye ne bra n'ewie.

Oye nsenkyeredze so wo Nyankopon N'ayemuyie ho de Oye hen adom wo mboden kakrabaabi a yerobo no na ohyira hen mbordo mbordo a hen enyi nda. Iyi so twe adwen ko No do. Gyedzi nokwarfo wo de onya adwen hweromu wo asem yi ho ama woko do eenya Nyankopon N'adom no. Nyankopon somaa Anohoba Mesia (ANN) no wo hen mber yi mu de ombotow Nkomhyenyi Kronkron n'asem no mpetse. Nyankopon dze Ne mboa na nsenkyeredze a onye no ko do somaa no; ono na yehu no nde yi. Dem nsenkyeredze yinom a onye Nyankopon No mboa sew do yi, onam Nyame mu anohoba do, osiande Nyankopon kaa kyere Anohoba Mesia (ANN) dadaw de onkotum eenya N'ayemuyie nyinara.

Woyii kyere no de “Se ekan Nyankopon N'enyimpa a nnkotum aye” [Tadhkirah, pp. 120 – 121 2009 edition]. Nyikyere kor so kyere de “kodo ara fa wo Ewuradze N'ayemuyie to gua” [Tadhkirah, pp. 557 – 558].

Anohoba Mesia (ANN) no kyereew de: “Onam mbransem a otoo do yi ntsi: “Na ofa no w'Ewuradze N'ayemuyie ho no, ka kyere binom so”, ohobrasefo yi hu de biribi aba nnto sin wo de ebekyere iyi onam N'adom na N'enyimpa ntsi; Nyankopon No a Okron eso Oye Mboborhufo no dze ayemuyie ama dem ahobrasefo yi wo dem ndzema nyinara mu. Dannsoma nyia mfaso nnyi no ho a otse dem de odze ne nsapan na Dammfa dwumadzi annhye ne nsa wo ber a nsenkyeredze nka ho. Ma otse nye de nsenkyeredze nyinara wodze maa no ma seiseiara woridzi dwuma na obokodo aye demara. Otumfo Nyankopon bokodo ara

ada Ne nsenkyerɛdze no edzi akɔpem de Obama ntseasee etsim” (Wɔkyerɛ ase fii Tafseer-ul-Quran Vol. VI pp.649).

Anohoba Mesia (ANN) no kyereew bio de: “Ahobrase na botooye ...ye gyinabew a ohia wɔ Ubadiyyat ho (etuhoakye ma Nyankopɔn de eye No somafo) mbom onam mbransɛm a ɔkrɔn no ntsi: “Na onam w’Ewuradze N’ayɛmuyie ntsi, ka kyere binom, odzi mu papaapa de ebɛka Nyame ho ayɛmuyie akyere (Wɔkyerɛ ase fii Tafseer-ul-Quran Vol. VI pp.649).

Ber biara a yenya Nyankopɔn N’adom na Ne nhyira no yɛbo no dawur na yɛka onam mbransɛm a ɔwɔ Kuran nyiyimu yi mu ntsi na ampaara ɔwɔ de yeye so. Mbom wɔdze ahobrase ye iyi kyen de yɛbohɔran dze aka. Hadhrat Khalifatul Masih ɔaka nserehwe ndaase yi wɔ USA na Canada a ndzeyee pii kɔɔr do a ɔnye ananabenfo hyiaae. Nyankopɔn maa wɔdze Islam ho nsem no ankasankasa too guan a dem nsem yi too n’abasa kɔr mbeambea a nna Jama’at a wɔwɔ ho no hɔn enyi nnda. Iyi ye Nyankopɔn Ne nhyira mu nhyira, na iyi nnye ɔdasanyi ne mbɔdzembɔ.

Hɛn Jama’at yi woyii enyim wɔ USA Anee afamu, onam Hadhrat Khalifatul Masih ne nserehwe wɔ beebi a ɔnkor hɔ da. ɔkor Los Angeles. Kurowpɔn no a n’apaamu hɔ wɔka Portuguese na Spain kasa a dem dɔm yi ahye hɔ ma; na dwuma a dem dɔm yi wɔde wodzi no yekaa noho asem wɔ ndawɔtwe a abesen kɔ no wɔ Fida Nyamesɛmka no mu. Nde Huzoor paa Jama’at yi ho tam kyere nanabenfo. Jama’at no too pon wɔ ahɔhohyiabea bi a ɔwɔ Los Angeles. Apamfo a wɔreye iyi ho nhyehyee no dween de onam de apontu no tow fa wiadze afamu ntsi dɔm nnkeba, mbom dɔm kɔɔr do ara daa hɔn pe edzi de wɔbeba kepem da a odzi ewie a wɔdze roboto pon no. Dem nhyehyee yi wɔye de wɔkan nkorɔfo bi ano a enyi da do de wɔbeba efi hɔn a wɔato nsa afre hɔn no. Mbom, nyimpa pii gyee pen de wɔbeba ma ɔgyee apamfo no a wɔreye ho nhyehyee no adwendwen. Ewie no, ngua no wɔde wɔdze bi kaho ma dem ntsi hɔn a wɔkyerɛ de wɔnye hɔn anyenkofo beba no gyede wɔpa hɔn kyew. Enyimnyamfo piinara baa apontu no ase.

Hadhrat Khalifatul Masih kasae wɔ ase. Otwaa no tsia kyere Kuran mu asem. Wiadze nyinara Ewuradze na ogyinaa do kasaa faa ɔɔ na ayɛmuyie a Nkɔmhyenyi Krɔnkrɔn (NNN) wɔ ma adasamba na ɔkyere mu de ne nhyira suban no ye fasusu ma hɛn. Islam beye den beye etsidzen som? Dem fasusu yi tɔɔ dɔm no do. Obiara kaa de nkyerekyere yi wɔde wɔtow petse, wiadze hia dem nkyerekyere yi. Nkorɔfo baa ne nkyen na wɔkyere hɔn atsenka na binom twee kɔɔr kasafir do kemaa MTA.

Wɔyee dem apontu no wɔ Esusowketseaba II ma nkorɔfo a wofifi mbeambea pii baa ase. Hɔn a wɔbaa apontu no ase ye ahabien eduokron biako (291). Hɔn enyi gyee Islam nkyerekyere a ɔye asomdwee, ɔɔ, enyidzi na perper no. hɔn a wɔbaa apontu no ase no hɔn mu beenum ye US mbrahye begyinafo (US Congress), duanan ye dawurbo dwumadzi a ɔwɔ atsenkwa, nwomahufɔ, duesuon ye aban edwuma mpanyimfo, eduasa esoun ye abemfo, duebiasa ye ananmusifo, edwuma a wɔnnhye aban ase (NGO) hɔn anamusifo, nsɔrbansɔrba eduonu akron hɔn ananmusifo na akakabenfo wɔ ndzamba a wosua ho. Dza odzidzi do yi ye hɔn a wɔbaa apontu no ase no mu bi hɔn adwen.

Barbara Goldberg kaa dɛ: Merekyerɛw ada m'enyigye edzi dɛ hom ato nsa afɛ me dɛ membɛka ho ma wɔmma ɔhotseweefo akwaaba. Hom yɛɛ nhyehyɛɛ a ɔyɛ nwanwa a ɔkyerɛ obu na ɔda Kuw a hɛn mu faara nnyim no papa biara.

Obi so a ɔbae apontu n'ase kaa dɛ: ɔhotseweefo yi gyina ho ma Kuw a menye no mmbɔ awɛr papa biara naaso ne nsem nye me nyamesem ho gyedzi ko do mapa. Yɛdo obiara, yenntan obiara, yegye obiara to mu, Nyankopɔn Kortsee wo ho na ne Nyankopɔn yɛ me Nyankopɔn...asem biara a ofi n'anomu puei yɛ nokwar. No botae a ɔyɛ wiadze asomdwee nna no kɔkɔbo a ɔnye dza ɔroko do wo mber yi mu yi ko do a ɔfa no ɔko a wɔdze ndzɛmba a ɔyɛ hu ko no, nyinara yɛ nsem a hɔn banodzifo wɔdɛ wɔtse na wɔdze ko nyɛɛ do.

Opanyin bi a ɔyɛ Mayor wo Redlands kaa dɛ: Mepɛ dɛ meda wo ase wo dɛ wɔato nsa afɛ me dɛ membɛka homho Memenda yi mbetsie ɔhotseweefo ne nsem a ogyina penkyer na asomdwee wo nkitahodzi ho wo wiadze yi mu. ɔyɛɛ me enyigye pii dɛ metsee asem a ɔhotseweefo kae a ɔfa no asɔr na aban ntamu. ɔwo dɛ yehu dɛ nkorɔfo pii wo ho a wɔyɛ enyimpamu tsia hɔn ɔnam hɔn gyedzi wo nyamesom mu ntsi. Menye ɔhotseweefo yɛ adwen dɛ sɛ nsem a ɔka nyimpa hyɛ na ewudzi a wɔdze ridzi nkorɔfo ammbɔ adze a, asomdwee nnkeba ara da. M'enyidado ara nye dɛ yɛbɔkɔdo atsetse hɛn mbabun no, yebotum ebuei hɔn enyi wo penkyer mu na hɛn enyi bɛgye hɛnho hɛnho no dze hɛn bɔko wiadze a ɔyɛ papa eso penkyer wo mu. Sɛ yehwɛ asem no ne fa kor a, USA wɔho na wɔkasa tsia Islam na yehwɛ n'afa kor so a wɔgyɛ Islam ne nkyerɛkyerɛ to mu.

Lee Baca, Los Angeles County Hwɛdofo a ɔwo atsenka kaa dɛ: ɔhotseweefo Mirza Masroor Ahmad a ɔkɛsɛraa Los Angeles maa ɔdze ne nsem a ɔfa no asomdwee, ɔdo na pɛpɛr kɛmaa dom a hɔn dodow yɛ ahaenum a wofi nsɔrbansɔrba mu. Nkorɔfo a wɔhyiaa hɔn binom yɛ ntwitwagye ho banodzifo, mbrahyɛ baguafo, hɔn a wɔhwɛ ekurowpɔn do, na nwomahufo. ɔhotseweefo tsii 'ɔdo ma obiara, ɔtan mma obiara' mu yie dɛ ɔyɛ Nkɔmhyenyi Krɔnkrɔn (NNN) no, no nokwar nkyerɛkyerɛ. Wiadze asomdwee yɛ nsɔrbansɔrba nyina hɔn asodzii dɛ wɔbetam esuo mu; iyi yɛ hɔn a wɔbaa apontu ase nyina ntseasee. Dem ɔman yi ara so na wɔkaa nsem pii a ɔnnye nokwar tsiaa Islam na Nkɔmhyenyi Krɔnkrɔn (NNN) na afei wɔdze Islam ne nkyerɛkyerɛ kɔɔr hɔyi, wonntum nhyɛ dza wɔkaa no ma. Ketseankyɛ Nyankopɔn ama Muslimfo nyansa ma wɔdze Islam ne nkyerɛkyerɛ fɛfɛw no etsim na wɔdze ayɛ edwuma so.

Onyimdzifo Grey Davis a nkyɛ ɔyɛ California ɔhwɛdofo (Governor) no kaa dɛ: Nokwar m'enyi gye nsem a ɔfa no asomdwee, ntseasee na obu a wɔdze bu Nyankopɔn Ne mba. Hom nyim, M'adwen nye dɛ ɔwo dɛ yehu dɛ hɛn nyinara yɛ Nyamemba ...Nyankopɔn Kortsee wo ho. ɔbo hɛn nyinara, na ɔpɛɛ dɛ yɛdo No na yɛdo hɛn fisamenafɔ. Mpuntu no ase no nna ɔtse bɛn Huzoor papaapa ntsi ɔnye no dzii nkɔmbo na ɔkyerɛɛ n'enyigye wo MTA mu na ɔgyɛ ndzɛmba bi a ɔbɛma ɔ'ahwɛ dza ɔroko do wo MTA do.

Eric Garcetti a ɔyɛ Los Angeles City Council Kuwba no kaa dɛ: ɔhotseweefo ne nsem no kyɛ kwanpa a ɔma enuado na obu a ɔyɛ asomdwee na mpuntu ne fapem wo wiadze mu. Ketseankyɛ no dwuma a oridzi dɛ ɔdze nsem a ɔfa no ɔdo, asomdwee, ankorankor tumdzi, penkyer, apɛtse wiadze no aaba mu.

Dana Rahrabacher, US Mbrahye baguanyi dɛ: Ɔhotseweefo dze nsem ato hɔ ndɛ a ato hɛn nyinara do. Ne nsem a otwa fa penkyer na ɔɔ ho na ankorankor gye honho to mu no dzi mu a ɔkyekyerɛ hɛn nyinara bɔmu kor. Ndɛ nye da a m'ehu no na m'enyi agye ne nwomasu, n'adwen na adwen mu mpiwii wɔ nsem ho a ɔdze ato hɛn enyim yi na mbre osi peewpeew wiadze nsem mu. Ɔye asem a wiadze gyedzi ahorow nyina begye ato mu. N'asomdwee asem gye dɛ wotsie ...ɔdze kasamu nyimdzee ka asomdwee ho nsem.

Rachael Moran, a ɔhwe California Mbra Ntsetseebea do a ɔwo California Esuapɔn mu hɔ no kaa dɛ: Ɔye enyimnyam na eyiedzi ma me dɛ meka dem ehyiadzi a ɔma asomdwee na penkyer na kankɔ. Ndɛ da yi, yɛdze adzesuadze a ohia rokɔ hɛn efiefi; asodzi da hɛn nyinara hɛn do dɛ yehwehwe asetsena mu kommyɛ na yetow bamba a yebotum afa do wɔ hɛn akwan na hɛn bra nyinara mu. Ebenadze na ɔbɛma hɛn nkanyan sen iyi? Ɔhotseweefo yi gyina hɔ ma sunsum na adwen mu ndzɛmba a ɔma hɛn ndzɛmba a ohia wɔ wiadze yi a nsemansɛma ahyɛ mu ma yi. Ɔkaa hɛn dɛ asomdwee yɛ ɔdodow ahyɛdze na ɔkyerɛ dɛ asɔr nkabɔmu wɔ n'adwen mu na ne nyansapɔw so nye dɛ yɛdze asɔr to nkyen a hɛn nyinara yeyɛ ɔɔ ho adze na ɔye nhyɛ ma dɛ yɛbɔɔ obiara.

Onyimdzifo Mohammad Samir Council General of Egypt dɛ: Ɔye Nyansa ho banodzifo... ne nsem ma nkanyan papaapa na mehyɛ nkorɔfo nkuran dɛ wondzi dwuma na wonka mbɔmu ntsɛna... ɔwo dɛ yɛdzi n'afotusɛm biara do na yɛbɔmu tsɛna.

Sophia Pandya a ɔye ɔbemfo wɔ nyamesɛm ho wɔ California State Esuapɔn mu kaa dɛ: Emi, mara m'enyi agye Ɔhotseweefo ne nsem no a ogyina wiadze asomdwee na ɔɔ a ɔka adasa do. Wiadze hia nyimpa no dɔ ho kan dɛ Ahmadiyya Kuw no.

Aziza Hasan a nkyɛ ɔye Ɔkwankyerɛfo ma Muslim Public Affairs Council kaa dɛ: Mɔbɔ w'abaw do wɔ dwuma nwanwa a wodzii no Memenda a etwa mu yi. Ber a morokɔ fie no nna mohɔ abaa me na m'ɛnya ahɔɔzen fofor dɛ meye obi a m'awea gyedzi horow ho na meye Muslim Kuwba. Ɔhotseweefo n'ano tseew wɔ ne nsem no ho na dza ɔkaa no so tse demara. M'enyi gyee papaapa dɛ ɔkasae tsiaa basabasaye sombo a wodze bɔɔ Nkomhyenyi Kronkron Muhammad (NNN). Nkorɔfo pii bɔ mbɔɔzen dɛ wobeyi asem yi akwa anaa wɔsaw kyin ho kɛkɛ. Ne nsem no kor enyimdzifo no a wɛhyia mu wɔ hɔ no a hɔn akadɔfo dɔɔso no.

John McMahon a ofi San Barardiw County Sheriff's Asoɛ kaa dɛ: asem no nam ne kyenan do na hɛn nyinara gye to mu dɛ yerebɔ mu ayɛ edwuma akɔ asomdwee ho no, nye kwan a ɔwo dɛ yɛfa do.

Dr. Frank Leivo a oɛnya eduyɛ mu atsenka no kaa dɛ: Ɔhotseweefo gyina hɔ ma som ne fa bi a mennye no nnyaa nkitahodzi naaso ne nsem nye me somho nyimdzii a mowɔ kɔ do mapa... asem biara a ofi n'anomu no yɛ nokwar. No botae a osi wiadze asomdwee do na no kɔkɔbɔ wɔ ndzɛmba ekukudam a wodze dzi ako ho no yɛ nsem a hɛn banodzifo hia dɛ wɔtse na wodzi do.

Ɔsofo Jan Chase kaa dɛ: Ɔye me dɛw dɛ m'ɛnya kwan nye Ɔhotseweefo ridzi ehyia wɔ apontu yi ase. Ɔyɛ me pɛ dodow dɛ ɔkasaa faa basabasaye ho pɔkyee.

Dana Rohrabacher yɛ Republican Mbrahye baguanyi a ne nsɛnkaa ɔtaa kyɛrɛ dɛ otsia Islam. Ber a wɔtoow ɔtopae wɔ Boston no ɔkaa dɛ Islam hyɛ mbofra nkuran dɛ wondzi ewu

na ɔye mbusu wɔ wiadze nde mber yi. N’adwenkyere wɔ mpontu no ho wɔ Los Angeles no woedzi kan abɔ dzin dadaw wɔ akyerew yi no sor ho. Ekyir yi ɔkyereew krataa kemaa hen kwankyerefo a ɔhwe baguamu nsem ho (Director of Public Affairs) wɔ Americaman mu de: Ɔhotseweefo wɔ de onya enyigye de o’edzi nkunyim de ne nserahwe wɔ California Anaafɔ edua nduamba a ɔbema akoma edzi dew mfe pii. Iyi na Huzoor ne nserahwe dze aba wɔ n’adwenkyere ho.

Hadhrat Khalifatul Masih nye Los Angeles Times dzii mbisase na ne nsunsuado na woetsintsim no wɔ ase ha yi:

Asembisa (A): Isi den tow Islam a ɔye asomdwee som yi ne nsempa petse Americaman yi mu ɔnam ewirkadze a Muslim akodzenfo reye yi na obinom so wɔ adwen tsia mbre Islam tse yi?

Nyiano (N): Nkorɔfo a wotsia Islam aye Muslimfo ayeyeadze na wɔahye hon akomfo mber pii wɔ abakosem mu, ma dem ntsi wɔnye hon dzi ako ye hon bi wɔ ayeyeadze a wodze ye hon no ho. Mbom siesieara dze akodzi wɔ som ho a ɔtse dem nnyi ho. Ber biara a kuw bi bɔsoer wɔ Islam dzin mu dandan ne (Islam) nkyerekere no, ɔwɔ de yesoer kasa ho. Nnye Americaman mu nko, mbom wiadze ne afenandze nyinara Islam n’atanfo gu som no ho fi, hon a wonnyi nokwar ntseasee wɔ Islam ho. Iyinom nye ekuwekuw a wɔtaa basabasaye ekyir no, wonnye nkorɔfo a wɔye nokwar som no ekyirtafo.

America ha yewɔ nhyehyee a yedze dzi dwumapa. Mfe ebien a etwa mu ko no, yeridzi dwuma a yeato no dzin “Muslims For Life” (Muslimfo Abrabɔ) dawurbɔ. Yetwe bogya dze kye. Asɔpon noara yetwee bogya mbɔdambɔ ɔpepe du dze kyekyee ayarsabea pii.

A: Wo kuw yi kyere de Asɔr nko, na Aban nko. Ɔwɔ de wɔtsew hon ntamu ma obiara noara gyina n’anansa do. Iyi agye ntaa wɔ amanaman a ɔdodow ye Muslimfo wɔ Boka Finimfin (Middle East) ho; bea a amanye banodzifo no robɔ mbɔdzen dze Islam aman abɔbɔ adze dze ahye nhye aban a woetutu hon agu wɔ Arab Apaamu (Arab spring) ho. Ana apaamu ho bɔdwe, ehw e a se wodze aban a ɔnnhye nyamesom ase ba a?

N: Dza yehu no wɔ Egypt nye de wotuu Honsi Mubarak adze do no, nsesa biara mmbae. Yewɔ aban a besi nde ɔnnye n’asedze mma ɔman no na ɔmmbu nkorɔfo hon eyiedzi. Libyaman mu no ebusua biara wɔ n’aban. Ɔsoafo a ɔhwe bambɔ do no bɔ kɔkɔ ndansa yi de obinom pe de wotu aban no a wɔatow aba eyi no no, na gyede wɔye ho biribi ɔno ɔman no beye bisibisi basaa. Wɔ Tunisiaman mu no obiara de woresesa ɔman no ako ne yieye mu papaapa wɔ nyamesom dzin mu naaso asomdwee nnyi ho. Se nokwar ka-ma-menka-bi amambu beba apaamu ho a gyede wodua amambu a wɔye no wɔ Anee wiadze afamu (West).

A: Ɔbeye den beye ma amanaman kuw dze asomdwee aba apaamu ho a akokoeko na basabasaye esi ho yi?

N: Abosoom kakra a etwa mu yi, Ɔman panyin Shimon Peres a ɔwɔ Israel kaa de Amansan Nkabomu Kuw mfa asordaafo nko amanaman a basabasaye esi ho no; mbom

Arab nsordaafo nkotsee na nnye Anee aman mu nsordaafo bi a. Odzi mui ma aman a wobenben de wobeka ekua na wabo mbodze esiw akasakasa biara awo apaamu ho. Oye apaamu ho hon asedze de wobesiw ewurkadze a oroko do wo Syriaman mu ho no.

A: Eben kwan do na edwen de ko a esi wo Syria yi betsew?

N: Syria aban hon dodowara ye Alawite na Syriamba hon dodowara ye Sunnis. Aban no dzii Sunnifo no hon enyi na wodze enyimpamu bae. Na seiseiara dze binom so aba oman no mu a wope honara so hon yesu a hon a wodzi emim mbordo ka ho de worebeye etuatsewfo no mboa. Dem ntsi akasakasa abeda etuatsewfo no na aban no ntamu. Ayekayekadze na adzesee no, aban no dze hyee ase, mbom ekuw ebien nyina dzi fo. Honara nnkotum esiesie, dem ntsi owo de tserewo bi ba ma wohwehwe kwan a obema ko no aba ewie.

A: W'asem nye de oye aman a woben ho no hon asodzi de wobohwehwe kwan a wobefa do ma asomdwee aba. Ehu mbodzen a Russia na America dze too gua de wonye aman ebien nyina beka ekua na woye nhyehyee a aman a woben hon no enyi begye ho?

N: Wiadze nyinara nde aye wiadze kurowba, ntsi dza bea a woben ho nyina aye bayaa. Mbom wiadze nkyekye mu akese ebien no da ho wo ho a Russiafo hye Syria aban no tsipia ma aman a wowo Anee afamu no so hye etuatsewfo no so tsipia. Obeye adwenpa ama Americaman na Russiaman de wobema adze see no abo adze. Owo de obo adze osiande se okodo a obotwe wiadze nyinara aba mu.

A: Ahmadiyya Muslim Kuw no wahye ne mpanyimfo no ma woetu efi Pakistan ko amantu mu, na dem akasakasa yi beye den ama Islam nkyerekyere no abo mu ako do tootsee?

N: Yegye dzi de Mesia no aba de oye osomafo, de oye nkomhyenyi a onndze mbra biara aba; onno na odze Ahmadiyya Muslim Kuw no boboo adze. Muslimfo no bi nngye nnto mu na wonngye nndzi de se Nkomhyenyi Kronkron (NNN) ba na oko a Nkomhyenyi biara nnkopuei n'ekyir bio, se odze mbra beba O! anaa onnkefa aba O! Pakistan aban no ahye mbra etsia Ahmadiyyafo kyere de wonnye Muslimfo wo mbra na nkyerekyere mu. Ahmadiyyafo twamu opepe, nnye Pakistan nko. Mbom botum ehu wo ho de Pakistan Mullahfo suro de se woennsiw Ahmadiyyafo no ho kwan de wodze hon pe beye hon som a, onnkekyer biara Ahmadiyya Kuw no botum atwe Pakistan Muslim akra nyinara ako hon nkyen.

A: Oman ben na Ahmadiyya Kuwmba dooso papaapa, na henfa so na Kuw no riyin ntsemtsem?

N: Yewo dom mpempem wo Asia naaso Ebibir Atoe afa mu na Kuw no riyin na orotu mpon ntsemtsem. Nkye Pakistan asoramba dooso yie. Naaso mber yi mu no Ebibir amanaman no bi dooso papaapa yie. Nyimpa mpempem na wodom Kuw yi da biara. Obinom suro Islam som no, obinom so mpo kyir asorasor nyinara, wonngye Nyame biara nndzi naaso mber bi beba a wobesan ahwehwe nyamesom. Yewo awerehyemu de se wodu dem gyinabew no a yebotum aboa hon mu dodow nara ma wahye hon sunsum mu sinto yi ma wo Islam nokwar nkyerekyere do.

Hadhrat Khalifatul Masih kaa de, mpen pii wo ho a nsem bisa no pii wo ho a wommbo ho dawur naaso Los Angeles Times dawurbo nwoma no ma hen nsem ho dawurbo wo hon

dawurbo krataa no mu. Huzoor kaa kyere nsemkyerewfo no de se mber yi do nyimpa anngye Ahmadiyya annto mu a hon awow ntoatodo begye Ahmadiyya ato mu. Na oye Ahmadiyya na obotum ahye hon sunsum mu sinto no ma ama nyimpa dodow noara.

Wall Street Journal nsemkyerewfo no bisaa Hadhrat Khalifatul Masih de siantsir ben na onam do ma odze beseraa California yi? Oyii ano de, asaase nyinara ye hen dze, dem ntsiowo de yedze hen nsem no ko wiadze afenandze nyinara. Na tsitsir nye de mobohwee m'asoramba a wowo ha. Beye de nna n'adwen ye no de amanyesem ntsi na me bae na morobohwehwe mfaso bi efi ha. Hadhrat Khalifatul Masih kaa de woomba de orobohwehwe mfaso biara ama no ho anaa n'asoramba no. Oka de botae kor a medze nam nye de mebotum ama hom edzibewdzifo aye nhyehyee a odze asomdwee beba wiadze. Afei otwee adwen gyina de yebohwe eyi amanaman ko a wobesensen hen kon do no. Se yeannhwe ennyi dem gyinabew yi a wama adasamba pii rohwer hon nkwa no emmfi ho a, na oka de oye Ngyiresi Abrokyirman Atoe mu na dem ehwimhwim no fi reba.

Onam LA Times Dawurbo krataa, Wall Street Journal, Chicago Tribune na Dawurbo nkrataa ahorow do maa hen nsem duur nyimpa beye opepe enum na fa (5.5million) ho. Nyimpa beye opepe enum na ne boree na wonam dawurbo nkrataa yi do tsee dem nsem yi, na nyimpa beye opepe fa na wodua "radio" do tsee nsem no. Onnye adze a nkye yebotum dze hen tum aye, mbom oye Nyankopon N'adom ara kwa. Onam No tum do naowo de yedua iyi do nya mfaso na yedze edwuma no ko kan na yema otu mpon.

Nserahwe bea a oto do ebien nye Vancouver aowo Canadaman mu. Ho na asordan a dzin dze Baitur Rahman no wopaa ho tam. Wotoow nsa free ahoho piinara na dawurbo nkrataa ahorow pii so baa dwumadzi yi ase bi. Se yekeka bo mu a Canadaman nyinara mu nyimpa beye opepe awotwe (8million) na wotsee hen nsem aowo dawurbo nye nsembisa a nsemkyerewfo no bisabisa Hadhrat Khalifatul Masih V. CBC (Canadaman mu TV) na BBC bo asordan no mbuei no ho dawur na nyimpa beye opepe kor na wonam mfi do hwee dwumadzi a otse dem yi. Nyimpa opepe ebien hwee no wo CTV na nyimpa kuw beye mpem ahaesia na wohwee no wo Global TV. Dawurbo nkrataa du biako na woboo ho dawur na Radio so bo ho dawur ma nyimpa beye mpem ahaesia tsee.

Manmeet Singh ye Jama'at yi ne nyenko, oye osoafo wo Alberta mansin mu. Oka de na wokyere nsempow bi a ofa asomdwee ho a nkye oroke kenkan no wo Geneva na oka de, ber a otsiee Hadhrat Khalifatul Masih no nsem wiee no woye n'adwen de obeye nsesa wo ne nsempow no mu, na odze nsempow bi a Huzoor kaa no ahyehye mu. Radio kasafir bi a wofre no Sher-e-Punjab kaa de, Huzoor ne kasaa no ma akokodur pii. Obi fofor so kaa de Huzoor de se yebuei asordan fofor a nna yebuei kwan fofor ato ho ama fahodzi fofor. CBC kasafir n'amusinyi no kaa de Huzoor yiyii nsem a wobisaa no nyinara ano yie. Obi so ka de afei na watse de nsem a onnye nkyerekyere keke wo som yi mu. Oka de obeka dem nsem yi akyere ne mba.

Morocco Muslimnyi bi so kaa deowo awerehyemu de Huzoor n'asomdwee nsem no beboa ma nkorfo eyi tsirmupow a wowo wo Islam ho efi ho de Islam ye nhye som. Ode oye Muslimnyi naaso woesua ndzamba pii efi Huzoor ne kasaa no mu. Ohoho bi so kaa de Huzoor ne kasaa no ma adwen pii na ofa nsem pii so ho. Ne nsem no tsitsir gyina ndzamba a

adasamba suro ho, ɔye nsem a no mu do na awerehyemu wo mu. Obi so ka de Nyankopon No korye ho nsem a ɔwo mu no hia ma wiadze nyinara. Dawurbo asoee ahorow pii na wobia ma nsem yi petsee. Americaman mu dom beye oha nkyemu anan (4/5) na wotsee dem nsem yi. Ofa no Atoe mansim mu no nyimpa beye oha nkyemu eduonu enum na wotsee. Wo Canadaman mu no oman no nyinara mu dom beye oha nkyemu eduonu enum na wotsee. Iyi ye Nyankopon N'adom na Ne nhyira ara kwa.

Obi bisaa wo Canada de asor yi ye asomdwee asor seso ampa, ana no mu dom no bo asomdwee bra anaa? Hadhrat Khalifatul Masih buaa de Kuran no mu mbra kyere asomdwee, dem ntsi se odzikannyi bi anaa Muslimfo bi nndzi dem mbra no do a, na ɔye hon mfomdo. Muslimfo nndzi dem mbra yi do ntsi nna Nyankopon soma Anohoba Mesia (ANN) no. Nsem pii esisi, ofi ber to ber, Canada keteke akwanhyia, Boston otopae a osii, London ekumekum, iyi nyinara ye nkorofu kumaabi na woye no wo Islam dzin mu. Huzoor kaa de iynom nyinara fi de nyimpa adan n'ekyir ama Nyankopon na woye dem ewurkadze yi wo Islam ne dzin mu. Okamfoo Muslim Egyinatufu Kuw a wowo London wo kasa a wokaa faa ewudzi a osii wo London ho no, na okaa de onnye Islam no nkyerekyere de obi beye dem.

Wobisaa de, ebenadze na yebeye esiw ɔyetrado nhyedo ho kwan wo wiadze yi mu? Yegudo ara rosom adasamba wo amanaman ahorow do a yereboa hon akwan ahorow pii do na yerebo asomdwee ho dawur. Yennyi tum biara de yedze asomdwee beba wiadze, na dza yebotum aye ara nye de yebobo Islam nkyerekyere ho dawur na yeboko do ara aye. Oriyi nsem a ofa ɔyetrado ano no, Hadhrat Khalifatul Masih kaa de, hen asordan nyinara ma asomdwee na odo ho nkyerekyere. Dem ntsi na nyimpabonfo nndoso wo hen Kuw yi mu no. Se obi wo mu a onnfata a, yeyi no edzi fi som no mu.

CBC nsemkyerefo no boo mbodzen wo akwan ahorow pii do de nkye obema Huzoor agye ato mu de Islam nnye asomdwee som na Muslimfo mbo asomdwee bra. Huzoor buaa no de, okwan biara nnyi ho a obefa do ama wooka de Islam nnye asomdwee som na orennsesa n'ano so nnka asem foror. Na osenkyerewfo no bisaa no bio de kwan ben do na yebefa atserew hen nsem yi mu ako wiadze afenandze nyinara.

Hadhrat Khalifatul Masih kyere de yedze Islam nkyerekyere korgyee no reye edwuma na yemmpetuw nnye biribiara. Yerobo mbodzen dze hen nsem ako wiadze n'afenandze nyinara. Mber bi na ɔye Anohoba Mesia (ANN) no nkotsee, na noara ankasa n'aber do no, onyaa nyimpa mpem aha enum. Hen ber do yi yeaye opepepem. Oye Nyankopon Ne pe a, Muslimfo nye hon a wonnye Muslimfo nyinara rehen Ahmadiyya Kuw yi mu. Nyankopon N'adom ara kwa nsusui kyere de nyimpa beye opepe eduonu (20milliom) na wotsee Ahmadiyya ho nsem wo Huzoor ne nserahwe wo America Etsifi afamu. De yebotum abo dawur kese dem ma nyimpa dodow dem atse na wobenya nsunsuado pa na hon mboa ronntum nye nyimpasu no dwumadzi. Iyi ofi Nyankopon. Nda kakra a abesen ko no, Hadhrat Khalifatul Masih kaa Hadhrat Khalifatul Masih a oto do anan no daaso bi a okyere de ohun nyimpa pii wo Los Angeles mansin no mu. Daaso no mu no, otsee dom pii hon ndze nkotsee de woreka nkunyimdzisem roboa Islam nye Ahmadiyyat. Nokwar nye de ndze a wokasa fua nserahwe yi ka iyi so ho. Dza wotwe adwen egyina do na ebisatse nyinara afei obekyere de dem ndze yi bokodo akasa wo ber yi do na ako sor onam Islam ntsi.

Hadhrat Khalifatul Masih kaa de oye nsenkyeredze soronko a ofi Nyankopon ho de bosoom kor a abesen yi okor nserahwe wo Spain na woyii Jama'at yi enyim papaapa wo ho. Oman a nkye ohye Islam ase no nde abeye Kristian na mbreana woretsew Islam bio a. iyi ekyir bosoom kor no bea a wo USA a Hadhrat Khalifatul Masih keseraa no hon a woka Spanish na Portuguese kasa no ahye ho ma twem. Afei abeye hen dwumasom de yebohwe iyi yie na yedze asem no ako Spainfo a wo Wipue na Witoree ahye ngyinado na yedze abehye Islam frankaa no ase. De mbre wokasaa ho wo Fida Nyamesemka wo Los Angeles no Americafo no a woka Spanish na Portuguese kasa no ka de wobor nkorofa a wo Spain no do mpon mu do ntsi womma enyi mbra hon do.

Hadhrat Musleh Maud (Allah N'enyi ngye no ho) kaa no da kor bi de USA wo nsunsuado bi wo "ewia a opuei fi Anee" wo nkitahodzi. Owo de yeye Tabligh ho nhyehyee pokyee wo USA mbom owo de yeye hen adwen de yennkobu hen enyi egu henara hen Tarbiyyat a oye hon a waba fofor no hon dze no. Owo de yedze ndaase na ntoyee dzi dem dwuma yi. Demara so na Canadaman ne nkyemu anan hon nsa aka hen nkyerekyere no. Canada Jama'at so wode wodze asem no tu ntsen ko kan wo de wodze Tabligh, Tarbiyyat nam na wokyerere hon ndaase na wosom Nyankopon wo pisi mu (Insha Allah). Ketseankye Nyankopon ama Jama'at no na wiadze mba nkaa no nyinara hon botae ahye ma wo mudzi mu.

Hadhrat Khalifatul Masih kaa de wo America na Canada man mu no Nyankopon ama mbabun ahom ma wodze reye edwuma wo akwan fofor ahorow do a orubuei ama hen. Dem mber yi do mba wode wo ye edwumadzen sen hon a woedzi hon enyim kan no na wombo mbodzen nyi hon asodzi a oda hon do. Kyerekyerewfo a wo aman ebien yi mu no nyinara ye mbabun na hon edwumayefo no nso robo hon ho mbodzen ara yie wo Nyame N'adom ntsi. Hon beenu no nyinara aye edwuma ako ekyir ara yie. Siesieara oye Tabligh na Tarbiyyat asoee na owo de woma mfaso ba dza woaye no ho. Yesere de Nyankopon nhyira hon na oma hon ahobrase sunsum. Onnyi de ntsen ba obiara no mu, mbom owo de ahobrase sunsum do so. Anohoba Mesia (ANN) no kaa de, ahobrase sunsum ho hia papaapa. Nyankopon mboa hen na Oma yenya dem sunsum yi. Amen!

Translated by: 1. Mr. Alhassan Kobina Atta-Wenchie
(Tutor in English Language, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Mr. Rasheed Possible Essuman Sahib
(First Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us